

乾隆杭州府志

杭州府志首卷三

宸章

御製詩

昨歲允南省諸臣之請命于開春南巡尋以偏災慮妨賑務而罷今年麥稼豐登諸大吏復申前請從民望也爰  
詠春吉恭奉

皇太后再舉時巡詩以述意

春省思酬望幸民因災還命罷南巡蠲租賑米蘇溝壑肝日宵  
衣厘苦辛慶值稔秋歌澤國欲觀元氣復比鄰爲行爲止無非  
事翼博

慈顏動喜頻

正月二日降旨免江浙積欠詩以喻志

始和布寬大頻年率例行茲當巡東南酬彼望幸情辛未縱蠲  
豁寒暑六歲更况復屢遭歉溝壑哀鴻鳴賑賙救一時賦稅有  
常程災重乃蠲租其輕則緩征積少因成多數累巨萬盈催遣  
民奚堪是宜一免清長吏詎政拙閭閻寧留贏指日澤國臨吾  
將省春耕

恭奉

皇太后南巡啟蹕京師疊辛未舊作韻

有序

疆圉肇歲正條風應律之初太簇開陽協始和行慶之候

爰諏令旦再舉南巡溯前度之遊歌星周六稔奉

安輿而莅止路指三吳翠羽金支掖

輦長依愛日黃童白叟迎鑾更慶瞻雲問俗觀風顧閭閻而求瘼  
敷膏布澤翼井里之蒙庥舊韻重賡七言述志

澤國省耕紀憶辛山川韶秀信無倫前秋適值逢灾歉昨歲因  
之罷豫巡

前降旨丙歲南巡以乙亥江浙秋澇停止

蒙齋轉旋農慶稔黔黎籲請志

重申肆鳴帝里和鑾駕一慰江干望幸民再奉

安輿出長樂徐遵廣陌衛勾陳青郊喜見餘晴雪綠麥行看發始  
春淑氣眼前

天與盜詩情馬首日迎新乘時展義非無事敢廢軍書決裁頻

時

夷酋長巴雅爾等構蒙命將擒討  
西北兩路軍書令其直達行在

賜閩浙總督喀爾吉善

海疆澤國久聲騰坐鎮宜風嘉汝能連率威儀今陶侃一家父  
子昔韓弘喀爾吉善之子定長爲貴州巡撫行春惠化吾方攬作兩平章民久  
稱供頓何須事華飾山川韶秀此邦勝

賜浙江巡撫楊廷璋

監司經久任自是悉民情要以能倡率寧惟貴潔清艱難九年  
蓄生聚五方盈飢溺吾心切勤哉撫恤誠

賜梁詩正

文章館閣本仙曹何事江鄉六載邀膝下樂兼林下樂南峯高

並北峯高依然橋梓欣來覲不老春秋閣正豪成汝孝名娛愛  
日且饒山水得清陶

至杭州行宮駐蹕八韻

塘棲朝啟蹕寶慶午維舟策馬武林入觀民文教修湖山重到  
識衣食永圖求曰庶誠堪喜思艱轉益愁遇災憐靜待乙亥秋歲遭歉  
收杭人惟靜俟賑卹未嘗以米價騰踊越分妄干救急悉心謀旋轉切

鴻造歡欣迓六駟繩

先期展義祝

暇願添籌卽漸臨明聖幾閒擬暢遊

再依

皇祖巡幸杭州詩韻

前歲災鴻今稍安觀民不爲事遊觀餘杭省治臨行館二月春  
風駐翠鑿

溫清常承養

志樂湖山佳致悅心寬有來婦子多愉色應博

慈顏一笑歡

登吳山作

蘿逕陟烟巒吳山暢大觀平陵秦望秀近挹浙江瀾遊目心因  
遠騁懷意戒盤閭殷撲地惟是厯飢寒

瑞石洞

天目東來走溟海龍飛鳳舞勢奇駭吳山控江爲最奇瑞石奇  
擅吳山最叶我昔未遊今遊初谿衍嶺鼻真仙都拾級不辭百  
丈峻乘興安用輕步興與亦不可窮奇亦曷有限徒因想覽一  
憑欄率費中人十家產

飛來石

飛來峯頂一拳石從彼飛來忽住此殊形詭態信翩翻景純未  
得窮其理

再依

皇祖吳山詩韻

早畢重臨明聖湖吳山先此陟雲衢萬家煙火滋繁庶足食足



衣慎後圖

閱武

旭麗惠風輕廣場試閱兵百年偃雖可一日備須明氣勵熊羆  
旅勇軒組練晶詰戎伊古訓詎敢詡昇平

昭慶寺

錢塘門外古昭慶取便尋幽過野隄僧不叅禪修淨業佛無定  
相示全提法林自是忘憂所精舍堪稱小隱樓而我民艱常滿  
目豈能耽靜對闍黎

題黃龍洞

欲攬棲霞峯取道黃龍洞雲根殊峭蒨有泉出嵌孔云昔僧慧

開卓錫處所湧因移吳興名名此山龍嵒攀陟窮其幽竹樹紛  
鬱蒼千年紫藤花穗穗風吹動天池方半畝印月不可攏月卽  
太古鏡池卽丹砂瀕宜置忘世人耶索書數種不出戶庭讀奈  
予去倥傯

黃龍石佛

誰施月斧開山石相好莊嚴調御人倚壁恰看飛四柱真成一  
笠蓋金身

紫雲洞作

昔向畫中讀今從畫裡遊是日頗暄熱入洞涼風颭棲霞待舉  
步黃龍漫迴頭非我屢耽咏率以記里郵

過棲霞嶺

龍洞幾盤度雲洞清溪一道出桃溪棲霞自在金陵表假借誰教此處題

竹素園小憩

策馬山陰廿里強延緣嶺複達山陽亭看放鶴緬高士祠過褒忠嘉鄂王却喜名園傳翰墨亦饒幽趣足徜徉外湖宛與內湖接咫尺烟宮可泛航

戲咏燈船

燈船自古豔秦淮何事餘杭欲與偕詎獨蘇民遵教訓

此次吳民迎駕

者惟結綵棚而無燈船戲劇蓋遵前此禁飭之旨喜其易於率教昨有詩嘉予之

微嫌浙吏費差排花

香早識春臺富鳥語寧輸小令諧可惜湖山本清淨却教絲管混真佳

詣聖因寺

皇祖神御殿行禮

明聖茲重攬

卷阿昔剏留敢云繩

祖武惟賴

詒

去聲

孫謀家法勤宵旰民艱體豫遊一湖春水碧常共

聖恩流

駐蹕聖因行宮

問俗重臨明聖湖白沙隄上果清殊高峰南北呈雙髻行館招  
提別一區麗日和風春淡蕩花香鳥語物昭蘇民心樂處吾同  
樂艷舞清歌亦底須

題西湖十景疊舊作韻

蘇隄春曉

重來民氣幸新蘇災後猶然念厯吾此是春巡第一義遊隄寧  
爲玩西湖

柳浪聞鶯

虛傳公子號衣金不見聞聲綠樹深我豈戴顓閒逸者雙柑無  
復往尋林

花港觀魚

玉泉空說魚稱錦

玉泉觀魚蓋西湖新增十八景名也

焦石還隣港號花

此處近丁家山

又名蕉石鳴琴

名色任增新點綴躍潛終讓舊風華

曲院風荷

嫩芷新蒲始漾風  
那看淥水植花紅  
笑予却是拘名象  
杏雨桃霞豈不同

雙峯插雲

南峯若仰北峯垂  
呼吸相通練色披  
入影澄波渾一合  
湖心亭上會心時

雷峯夕照

本州府志  
卷一  
峰峰夕照都奇絕十景惟斯舊擅名所惜堵波登未得付他高  
盡晚霞橫

三潭印月

塔影雖三月一輪是三是一是金身誰能識得金身幻可向潭  
前悟淨因

平湖秋月

綺榭紗疏虛碧油春蟾漪影惠風柔已看烟景清諸慮豈必秋  
輪始勝流

南屏晚鐘

湖山四面畫爲屏合有鐘聲警衆聲唐宋至今諸物改霜天惟

此未曾更

斷橋殘雪

斷橋佳趣屬三餘  
春景澄觀頗亦如  
積素明占芑麥好  
農民歡  
喜迓巡輿

賜浙江學政寶光鼐

兩浙山川常毓秀  
諸生月旦汝司文  
從來士習民成俗  
勗彼行  
知尊所聞見外發  
中務清正含今茹  
古去纖紛曰公似  
矣曰明  
要顓俊紆予一念殷

放鶴亭作

孤山山北聖湖濱  
云有林家處士墳  
自是傲時尚高逸  
豈關綬



景事華紛桑田海水殊當代鶴子梅妻屬此君暫對拈毫非不可慮無佳句繼餘芬

題林逋詩帖真蹟用卷中蘇軾書和靖林處士詩後韻

好春重至西湖曲不愛山青與水綠所愛別館近林家步步遠  
塵樹樹玉設云處士今在否我知斯人未免俗新得先生遺墨  
妙日觀不厭繼以燭五詩神合暗香句清峭雄渾無不足宜令  
東坡拜下風健筆藏筋詎豐肉馬遷死後良史無峰色湖光皆  
實錄卽景合璧詠雙絕和吟豈謝巴人曲兩賢同得社而祭往  
徃叢祠倚松竹所惜潛亦箇中人遙遙祇享柴桑菊

急雨

急雨西峰來不待醞釀勢空羅纔細霏傾盆倏奔至邇來五日  
晴頗覺陽光熾在南恐不宜在北則常事南北皆吾民孰不厯  
祈歲晴遊雖致佳切切弗快意茲雨實稱甘麥苗正吐穗滌炎  
人更欣濯黛山迥媚明當北高峰一策行春騎

吟香別業

亭臺勝蹟號勾留義取樂天戀此州

前延撫范成謨別業取白樂天詩句題曰勾留處在

孤山之南地方大吏重修以其多荷易以今名

固惜湖山聽荒廢也嫌官吏太搜求設

鮮民瘼皆如是斯慰吾心又底憂小坐不因賞煙景題詩用戒  
保釐傳

清漣寺觀魚叠舊作韻

煙輕春雨後暇值萬幾餘載禮金光佛因觀青色魚生機益翰  
墨樂意映襟裾怪底叅軍羨還勞開士如新題看燈畫舊句讀  
碑書設設重來約猶今視昔歟

題沈周冷泉亭圖卽用其韻

靈鷲飛來不飛去秀標南北兩峰間亭臨石罅千層瀑溪隔寺  
前一帶山筠碧花紅繪春日探奇攬勝值幾閒自知不是清閒  
者空羨諸人此往還

謂畫中石  
山明古藹

恭依

皇祖靈隱寺詩韻

嶺是西方鷲飛來住岌岌名山觀不少此地比寧多法苑開龍

象清襟洽薜蘿諸天應拱護

御輦昔曾過

北高峰

北高峰是最高峰夾路新筠復古松迴絕縱眸窮越望巉巖跋  
馬訝吳儂千巒吐春霧銀絮萬壑霏山花紫茸天目探奇姑舍  
是半因無暇半因慵

韜光庵

雲林別室小徜徉深秀真稱委宛藏雨寺由來分一寺

見白居易詩

湖光儼去接江光奇松詭石天然靜澗草山花自在芳不辨北  
高峰下路碧琅玕表盡蒼蒼

飛來峰歌

我欲靈隱陟高峰經茲且漫窮窈窱三十六曲旣盤降韜光庵  
已散幽抱奇境當面竟失之山靈或我粗疎笑叶辭騎屨步聊  
爾爲乘輿何必拘葩瑤千億化身棲碧巖法華國土奚能考一  
佛一樹經所云非色非空誰則曉是時雨後幻陰晴洞中鍾乳  
垂津寶便當擺脫六根塵如是法味餐以飽而我先憂後樂人  
與佛有緣無就道作歌亦如慧理歎傳名而已堪絕倒

上天竺

竹泉深秀處梵宇若天成亦自莊嚴相而無塵俗情此中消萬  
慮誰道認三生小憇鳴鞭去行雲出岫輕

湖心亭

春雨連宵傍曉晴進舟宛在小蓬瀛千重水樹印蔥翠四面雲  
嵐互送迎那有波濤驚俗眼每因澹泊悅神情湖光設擬明如  
鏡此是中心純粹精

題漪園

峰分南屏峰水占西湖水竹閣與栢堂或自蘇詩擬明聖景無  
邊左右逢源取叶維舟一榻覽位置殊清美兩字題漪園記予  
初到此

淨慈寺瞻禮

峰色湖光萃美處金繩紺宇此間開絕無塵相染初地定有天

花落講臺况爲祝

釐申衆願

浙中縉紳于此恭設經壇延僧衆百員頂禮上爲聖母祝釐

豈緣問景偶閒陪

慈寧壽比淨慈壽稽首我聞如是來

小有天園

蔚然深秀秀而娟宛識名園小有天新筍紫苞雷後埭落花紅  
織澗邊泉清幽最喜樹皆古點綴微嫌景勝前新構御書樓固  
好揮毫却愧米家顛

琴臺

琴臺非子賤傳自米襄陽我不解攫醪春溫卽景償

留餘山居雜詠

俗名陶莊

路入絕塵路居真太古居湖山秀不盡此處獨留餘  
步步踏奇石聲聲聽冷泉香鑪峯下瀑一半借來懸  
穿石登丹梯憑樓出綠樹曠覽破天慳豪吟愜始遇  
把臂合佺喬決肯入寥廓振衣天風寒西湖真一勺  
會得留餘意境將福不窮門應高大著往事有干公

自蘇隄跋馬至聖因行宮

山居乘興憇留餘泉白峰青可戀諸卓午沿隄策歸騎爲因封

奏達中書

閏報問二日一  
發是日應至

蘇隄桃李略過時油菜裳裳花正粧分付從人戒蹂躪吾民衣  
食此深資



雙湖夾鏡六橋橫隄上鳴鞭散意行耕織圖邊渾似此偶因北  
望憶昆明

昆明湖仿此爲六橋橋外卽耕織圖育蠶種水田處也

### 罷漁

石湖略觀魚少觀旋卽罷西湖並弗觀意亦故有在彼非出本  
浦移放由官買其利仍民得略觀當無礙

叶

究以事弗實作歌

戒寮案此則湖中物民業各分宰聞爲

去聲

備水虞數日禁捕採

厥牛未蹊田奪之固無罪長官在愛民此事吾弗解敖漢瀑縱  
縱吉林流浼浼何漁曾未經藉此區區乃罷禁付之民網鬻資  
三倍

### 水樂洞

水樂探幽洞，鐫鏗果異常。盡消諸慮處，繇會八音場。非竹還非

革中

去聲

宮亦中商。妙張洞庭趣，何必問東陽。

見蘇軾詩

### 理安寺

一逕入深秀，萬峯森簇攢。石橋原不隔，蓮界總生歡。旣狹中方澗，憑高望亦寬。禪寧與儒異，惟欲理之安。

### 戲題虎跑泉

跑出清泉虎避居

是泉雖名虎跑而山中本無虎也

祇園想像得名初。宗風信

有能降者，苛政將毋更猛於一帶崖懸鍾乳滴，千年藤綴石華疎。色聲香味觸都靜，便試茶甌亦緒餘。

### 開化寺

蕭寺倚江干江天暢遠觀  
慧燈傳浩劫寶塔鎮洪瀾  
庭籟涼生竹山春香噴蘭  
坐欣諸品淨何處覓心安

雲棲寺

路入琳琅个个青  
袪人塵是洗心亭  
七年幻夢誰參破  
六字真言此重聲聽  
蝶舞花香自詮註  
瀑飛石盡孰流停  
修篁深處名軒忘機坐適可依然悅性靈

觀採茶作歌

三月初二日

前日採茶我不喜  
率緣供覽官經理  
今日採茶我愛觀  
吳民生計勤自然雲棲取近跋  
山路都非吏備清蹕處無事迴  
避出採茶相將男婦實勞劬叶  
嫩莢新芽細撥挑趁忙穀雨臨  
明朝雨

前價貴而後賤民艱觸目陳鳴鑣由來貴誠不貴僞嗟哉老幼  
赴時意弊衣糲食曾不敷龍團鳳餅真無味

賦得循名責實

得田字八韻  
試浙省士子題

名實曾何謂應如賓主然底須名是尚當以實爲先沐浴文章  
海岱畬經訓田淮南倡正議說苑著良詮修己若乖術治人寧  
有緣要非沽可得詎藉養因傳循欲誠無承責期僞盡獨春官  
新定制所冀獲真賢

表忠觀

故里依桑梓崇祠舊表忠端因識時務可以號英雄牛斗猶無  
李江湖終向東鼎哉錢氏族百世守家風

閩海塘作

騎度錢塘閩海塘閭閻本計

聖謨良

雍正年間海潮直逼北岸大爲杭嘉郡縣之患特命大臣鳩工築塘以捍之潮頭遂漸徙南岸海寧一帶

皇考

沙漲數十里迄今廿餘年全塘永固民安其業長江已輯風兼浪萬戶都安耕與桑南

北由中賴

神佑生靈永奠爲民慶漲沙百里誠無事莫頌惟增敬不遑

上巳

問景臨江國行時值稷辰湖山助明媚花柳正清新近接蘭亭會遐思洛水濱不教陳馬戲吾意在還淳

咏煎鹽者

一歷蓬蘆殿載觀鹽竈民樵山已遙遠釜海亦艱辛火候知應熟涵漿配欲勻可憐終歲苦享利是他人

觀江潮作歌

樓名望潮江岸旁既到弗登有底忙登矣不俟潮一望殺風景  
事誠何當哉生魄爲潮盛候因緣恰值聊相狎是日未刻潮應  
至歷申那見濤乘江駕山張蓋徒想像詩消醮退真荒唐江山  
小船迎潮慣

船名出江山縣地方吏備迎潮者用之

解嘲略仿羯鼓腔金支翠旗

光錯落縱金擊革聲鏗鏗俄頃江面潮亦至恬風輯浪非礮礮  
惟覺兩岸隱增溜買舶好趁輕帆揚陽侯靜斂滄波細一霎依  
舊天水蒼昔聞崖沓戰藉藉欺人慣是文人長或云乘輿百靈

護伍胥文種心早降

土人謂潮頭奮振者爲靈胥潮其後如綿絮而少弱者爲文種潮云或云江

走中壘後潮汐非比曩時強其然豈然付一笑漲沙惟喜資耕

桑

敷文書院六韻

崇儒因廣學設教幸敷文砥礪先修已圭璋待致君兩京班莫  
羨三策董應勤詎尚飾其貌還應尊所聞江山誠助秀華藻欲  
袂紛棧樸真材毓勗哉魚雅羣

李嵩西湖圖

境卽圖中圖更披湖山印證契神姿六年寤寐遐不謂一勺清  
冷宛若斯每愜崇情將妙理寧關急管與繁絲秘珍近遠如何

荅塔是雷峰好在時

岳武穆祠

陣戰曾輕兵法常紹興亦委設施方操戈不謂興張俊納幣終  
成去李光何事書生叩馬首遂教名將飲魚腸至今人恨分屍  
檜宰樹餘杭萬古芳

再至雲林寺

雲林舊日靈隱寺兩字

奎章殿額高鷺石西來作屏障浙江東去見波濤詩裁誰則如路  
朱禪派他猶分濟曹香界若論真面目大都形跡粕和糟

過靈隱至韜光



誰道我無戀韜光那幾盤滿山紅躑躅一路翠琅玕泉不見頻  
響石如危轉安金蓮池半畝弗著釣魚竿

坐金蓮池上用白居易寄韜光禪師韻

最愛翠鬟處因之白足家鳥銜飛葉竹魚上落溪花倡和成陳  
迹林泉自道芽上人者箇在不領一杯茶

用韜光禪師答樂天詩韻

苾芻林下瓶開泉結得茅菴自在眠官舍何妨辭玉粒山池好  
在是金蓮想他謝往招來日仍此行雲流水天何藉海寧稱好  
古茗華重見碧峰前

詩爲海寧  
查嗣琛書

泛舟西湖卽景雜咏八首

西湖自是宜舟處風靜波恬舟更宜最愛六橋阿那畔蘭橈緩  
著漫前移

南高峰復北高峰倒影都呈鏡裏容濃抹淡粧稱未雅合稱青  
色兩芙蓉

麗日輕風暢好春蘇隄花柳淨無塵那禁卽景生清悅無易由  
言愛一頓

白芷青蒲已覆波暮春初節儼清和乍疑去歲昆明上浴佛詩  
成泛玉河

清絕孤山最是梅梅花謝矣客方來恰知傲世多神解未許塵  
緣供往廻

清詞逸筆久羶薌說項坡翁意更長不是爲人渾爲己葆祠都

伴水仙王

東坡題和靖詩卷有  
宜伴水仙王之句

內湖水與外湖連小堰侵湖半作田一繫節宣一穡事酌中兩  
利頗難權

內湖爲居民日益侵占成田湖身愈狹不清理則下  
游田畝灌漑失利若清理又慮小民失業頗屬兩難

四面湖山美景投往來每漾紫霞舟蠶忙因爲催歸轡肯戀怡  
情此重留

賦得蠶月條桑

得留字八韻

南國蠶忙候猗猗桑正柔鄭垌寧此勝漆水可同不彼斧遵林  
際懿筐過陌頭落枝嫩于篠採葉碧如油滿箔方聞響盈箱預  
賀收西陵錫佳貺工女忌寒休未免妨羣作因之返六騎湖山

非不美詎肯爲淹留

登六和塔作

初地詣堅固信心登窳堵二諦此俱融空色本無所三明真淨  
域可以泯今古四天垂寶網落落聞鈴語五雲糾扶蓋擁護龍  
象族六鼇永負戴萬劫莫江淑七寶勝莊嚴如是辦香炷眉厖  
標實詮七層皆辛未年所題扁額歷歷憑證取江山識重廵歡喜生八部颺  
以細細風霏以纖纖雨造極朱欄扶曠覽供仰俯于已可忘憂  
于民那忘苦迴首禮釋迦徒羨曾何補

雨中遊雲棲卽景雜咏四首

江干緩轡度烟絲烟外青山到始知爲是明當發歸櫂淨招提

欲小棲遲

雲棲昨未傳清蹕乍憶重教跋馬行雨笠風簑出農父胼胝憐  
彼趁春耕

飄來鐘是上方音四柱虛亭過洗心尚恐塵心洗不了海龍助  
與一天霖

三間虛榭碧雲叢浙瀝烟梢颯杳風息處真教諸品淨那論今  
昔異和同

再題雲棲寺

雨中偏合訪雲棲曲徑通幽步不泥截竹引泉到香積動雲移  
石作丹梯野艇得意松間擲山鳥無心花下啼小坐烟絲淨青

嶂一天霽景又堪題

詣天竺寺謝晴

有序

浙省麥田菜花高下芑鬱羣稱數十年僅見而桑葉陰陰  
連村被隴蠶事亦將興矣數日以來頗覺雨多適以明日  
廻鑿再至開化寺登六和塔遂冒雨訪雲栖四山濛濛霧  
重烟凝頗不易卽渙者心切切念之傳聞天竺觀音大士  
甚靈應因遣人至彼祈晴及至雲栖小憩精室則雲散日  
出千峯朗翠感應之速有如此者是日原不擬至天竺此  
則有不敢不至且不忍不至者矣故紆道敬詣謝佑詩以  
紀實云

天竺重教特地行敬酌靈貺信昭明農蠶意美微嫌雨顧禱心  
馳忽放晴匪爲去聲及時尋樂地早傳翼日啟歸程大慈悲是觀  
音願應悉勤民一念誠

喜晴

前朝喜雨今喜晴可是吾心無定衡到處勤民祝時若此邦蠶  
並重于耕

杭州啟蹕廻鑾之作

展義原厯民瘼諏閭閻未覺異前遊時和歲美休過頌小補粗  
安詎解憂間亦湖山頻愜賞翻惟絲管略嫌稠蠶忙候矣休因  
誤肯爲宜詩鎮滯留

浙江督撫奏報時晴應律蠶麥有收詩以誌慰

武林風雨送登舟直達金閶勢未休人道常然不足慮我虞  
度每緣愁時晴忽報山川朗及節欣聞蠶麥收南望那能無一  
笑旋因徐沛蹙眉頭

賜休致大學士陳世倌歸里詩以餞之

夙夜勤勞言行醇多年黃閣贊絲綸陳情無那俞孔緯食祿應  
教例鄭均自是江湖憂未忘原非桑梓隱而淪老成歸告能無  
惜

皇祖朝臣有幾人

兩江總督尹繼善等奏請南巡却其疏并詩以示意

有序





慈歡而且嶽色江光清宴同符

聖壽此則鄉皆魚米如蠶食貨之經地勘汙萊兼訂河渠之志允  
叶三廵之令序聿揚萬國之歡聲披章旣下十行未俞所  
請諭意并成二什用答羣情

澤國哀鴻久厘心不辭沮洳爲親臨屢咨使節求長策未許司  
農惜帑金高下節宣害差減夏秋普熟慰誠深宜休息耳停廵  
輦南望猶然惕不禁

無易由言讓水行那餘隙地徧耘耕勤勞宵旰剔髮計慚愧黔  
黎愛戴誠藏矣心中寧待閱遲之歲匝亦須征

慈闈七奏開鴻慶擬達臣民祝嘏情

賜浙閩總督楊應琚

岱甸烏臺建銅邱幕府開節移閩海要人喜福星來三世封疆  
寄平生經濟材予心深所託元氣貴栽培

題董邦達山水

山自不言水漠如無端何事起吟予爲他山水幽佳處往往尋  
題趣有餘

峰似北高嶽且崙便知古寺號雲林冷泉那畔松陰下一例寒

濤空

去聲

我心

書屋蕭蕭倚綠筠風聲月影靜無塵溪橋不許支筇過看竹妨  
他問主人

降旨免江浙積欠詩以誌事

有序

春頒青陸將迎

鳳輦于維南日下黃封早佇雞竿于自北爰仿再巡之典制俾寬  
三省之供輸念額徵旣羨乎鄰疆知尾欠旋羸夫比歲雖  
遇微青而必緩長官自識勤撫字以輟催科卽希明詔而  
少延下戶不無覲新恩以紆舊課嘉彼祝

釐之共切廣茲

錫類之咸周匪矜濺澤十行懽均白屋惟厯始和二日令協紫  
泥云爾

行時葆駕指東南嘉與吾民共樂湛財賦重區歲有欠催科概

豁澤均覃積逋豈計萬已累

三省共八十萬兩有奇

旁及俾寬省以三

安徽

本所不到亦免之

較彼豫人誠厚幸一爲歡喜一爲慚

恭奉

皇太后南巡啟蹕再疊前韻

有序

年占午正宜揚南國之旌月肇寅生爰效東皇之駕當朔  
塞九功奏凱慶逮乘時况

西池七秩稱觴懽逾獻歲時乃燕臺日近魯甸春廻指吳頭則堰  
莅觀河臨越角而塘循捍海詔却綵棚燈幔何以文爲風  
陳巷舞衢謳無非事者然而典符三接辰紀十周求民莫  
以給餉廛呼庚癸體

懿懷而紆軫重閱辛壬維再巡令則還仍用誌憑軒伊始想一路

懽聲可卽如言候仗何遲云爾

初歲開壬甫背辛答陽任養叙彝倫添

籌纔度七旬慶養

志還符五載巡每爲賑賙傳蹕止

本擬辛巳南巡以下河窪地偶值偏災復改爲壬午

幸逢

給足俾情申南轅始命展軫僕澤國遙懷引領民寧以行時吳

與越肯忘遇澇衛還陳十行不惜恩加月

去秋豫河湧口奪溜數郡被災亟命地方

大吏妥爲撫恤開年復命從優加展賑期

四海惟期澤普春日奉

慈顏心有喜途臨韶序景從新行宮所幸前遭者武定聊無籌筆

頻

丁丑南巡時賊酋巴雅爾等構繫兩路進討軍書遲達行在故有敢廢軍書裁決頻之句

賜閩浙總督楊廷璋

西粵昔開府南閩今建牙兼知亦舊制

閩浙總督駐衙于閩兼知浙省舊制也

勝

任得卿嘉政有羣黎感身無大耋嗟

廷璋年七十精神尚健

老成方倚賴

調攝意須加

賜浙江巡撫莊有恭

已未親爲策士文精掄選榜得超羣起行不負坐言學率屬偏  
能先已勤鶴市舊聲猶眷眷龍山新政更慇懃海塘正是投艱  
處磐石維安勉奏勲

三月朔日至杭州駐蹕

武林駐節暮春初物色人情續綺舒前度烟容常翳若今來霽

景喜昌如捍塘久計籌行館迎駕歡聲接比閭覩此尊親彌共切安能保赤刻忘予

恭依

皇祖巡幸杭州詩三疊韻

三度南巡侍

大安江山介社奉

徽觀風輕日麗臨雄郡踵接肩摩迓御鑾蹕館暫居幾有勅海塘

言念志難寬

乾隆二十四年海潮自中興漸移北大壩飭大吏繕治尖山等處塘工今當親臨閱視

修防

要欲壽全善那覺西湖景助歡

瑞石洞



駐輦有餘暇吳山近宜眺瑞石別一峯下馬喜先到初猶步仄  
磴旣乃入幽竅轉折若無路含蓄益致妙蘿薜綠垂烟梅柳芳  
迎曜巖半有天池靈物不可釣密竹護陰森怪石攢嵒峭孤鶯  
訝欲墜傲睨忽疑笑攀躋當造頂全吳歸朗照坐石寫勦得大  
觀更攬要

飛來石

來自何方飛豈羽將翔復驚勢容與徒觀翮集誠怪神欲賦却  
思子不語

三依

皇祖吳山詩韻

南眺長江西盼湖城中陟嶽歷香衢寧因玩景賡

前韻曰在觀民有本圖

登吳山作歌

一峰蜿蜒走郡城衆峭攢簇羅天屏若有若無尋棧升造極廣  
厦原平陵何須勒馬誇豪情惟願兆庶恒安寧西湖下視如亟  
待吾方未暇將觀海

觀海塘誌事示總督楊廷璋巡撫莊有恭

明發出慶春駕言指海寧海寧往何爲要欲觀塘形浙海沙無  
常南北屢變更北坍危海寧南坍危紹興惟趨中小壘北南兩  
獲平然苦中壘窄其勢難必恒紹興故有山爲害猶差輕海寧

陸且低所恃塘爲屏先是常趨南漲沙率可耕兩度曾未臨額  
手謝神靈庚辰忽轉北海近石塘行接石爲柴塘易石自久經  
費帑所弗惜無非爲民生或云下活沙石隄艱致擊或云量移  
內接築庶可能切忌道旁論不如目擊憑活沙說信然尺寸不  
可爭塘邊試下木椿始苦沙溢用二百餘斤之碇一築率不及寸許待椿下既深又苦沙散不能齧木椿搖搖無著也  
移內似可爲閭閻櫛比并柴塘向內數十丈其土似宜椿可以即工然所在皆田廬此處爲塘必致毀棄田廬患未至而先殃民心復有所不忍其無室廬處又復多池阬固云舉大事

弗顧小害應然以衛民心忍先使民驚且如內石建寧聽外柴  
傾是將兩隄間生靈蠲滄瀛如仍護外當去聲奚必勞內營以此

吾意決致力柴塘成坦水簍石置可固隄根撐柴艱酌加價毋

俾司農程

命行在戶部及該督撫詳議加柴價補直示大端推行宜殫誠

謁

海神廟瞻禮有作

鹽官駐馬先虔謁

廟貌枚枚

皇考脩捍患禦災宜

祀典恬風靜浪賴

神庥卽今南漲方圯北尚此春逢况值秋黍稷非馨在明德是  
吾所愧敢忘愁

駐陳氏安瀾園卽事雜詠六首

名園陳氏業題額曰安瀾至止緣觀海居停暫解鞍金隄築簫  
固沙渚漲希寬總廬萬民咸非尋一已歡

兩世鳳池遶高樓

睿藻懸

樓中恭懸  
直之父原

大學士

陳元龍

碩

予告時

御書是

編脩陳邦

賜額也

渥恩賚耆碩適性愜林泉是日亭臺景春風角徵絃觀瀾遂返駕

供帳漫求妍

隅園舊有名

以是園爲閱塘暫憩之所  
因賜今額隅園其舊名也

巖壑竊而清城市山林

趣春遊花鳥情溪堂擅東海古樹識前明世守猶陳氏休因擬

奉誠

別業百年古喬松徑路尋梅香聞不厭竹靜望偏深瑞鶴舞清

影時禽歌好音最佳泉石處樵帖玩懸針

元臣娛老地內翰肯堂年賭墅棋聲罷木天磚影捐竹堂致瀟

灑月閣揖清娟

竹堂月閣皆園內名勝

信宿當廻蹕池邊坐少延

天朗惠風柔臨溪禊可脩

是日趣真如谷口

姓不讓岡頭意以

延清永步因覓韻留安瀾祝同郡寧爲暢巡遊

### 睡醒

睡醒恰三更喧聞萬馬聲潮來勢如此海晏念徒縈微禹乏良策傷文多愧情明當陟尖嶠廣益竭吾誠

### 題土備塘

土備塘云海望修意存未雨早綢繆石柴誠賴斯重障是謂忘

唇守齒謀

塘上四首

西塘尚有沙塗護既至東塘沙總無石不能爲柴欲朽防秋要計可徐圖

鹽官從不曉迎鑾古樸民風致可觀却勝杭嘉多飾禮綵棚鼓樂滿河干

葦廬竈戶日煎鹽辛苦蠅頭覓潤霑噓燉胼胝耐燥濕厚資原是富商兼

隄柳青青畦菜黃村梅遮隴遠聞香徐行谷度周防計懶情無心問景光

登尖山觀海

輿圖早已識尖山地設天開障海關東北岡巒捍猶易西南柴石禦爲艱虔心所祝資埤漲蒿目無方計剔髮大吏載咨補偏策盡吾誠耳敢云閑

尖山禮大士

秋水精神滿月相峯巔妙演海潮音普陀天竺何遙近無礙隨緣應感心

視塔山誌事

尖山實捍海塔山舒右翼翟村當堯灣賴此雄潮逼條石未可築塊石先救急其下布石簍射溜圖根立策馬視簍痕云沙漲



數尺

浙撫臣言竹簾貯石下護塘基數日來沙漲掩簾四尺許遂命立標以驗增漲尺寸是爲轉旋機其

然談何易

叶詎當恃

天佑而弗盡予責叮嚀示方伯吾意知應悉斯時工難施沙遠當

易石魚鱗一例接方爲經久策

閱海塘叠舊作韻

今日海塘殊昔塘

丁丑南巡時海潮大溜尚走中壘已卯以來潮勢復趨北壘現飭大吏相度修繕以爲民

衛補偏而已策無良北圻南漲嗟燒草水占田區竟變桑父老

常談寧可諉

土人以三壘海潮之行不南卽北此因任之論與河徙天數語同非治水者所宜出也

明神顯佑詎孤慶

雍正七年海寧近復命錢塘崇飾

敕建海神廟尖山跋

馬非探勝萬井安全慮不遑

上已

尖塔

二山名

攬全形陳園蹕暫停佳時逢上已隨地可稽亭綠水澄而照春梅靜以馨託波杯不泛惡旨有芳型

觀海潮作歌

辛未觀潮潮已奇杭人猶稱其力微丁丑觀潮潮未至作歌高樓聊紀事似神而非者曰三逮茲三度潮真酣却非江樓觀約畧覩得乃在柴塘尖我閱柴塘籌禦海詎圖快覽驚濤駭因緣大汛三月三洪濶有若將予待跋馬指東向鹽官一條銀綫天際看捲江倒海須臾至迎來底藉江山船江山船迎潮見前詩色猶未覩先聞聲礮礮磅礮礮旬徐行按轡攬其狀大哉觀矣誰與京

肯母弭節倏奔瀉並驅素車而白馬淋淋汨汨浩湯湯踰跽配  
藜白鷺下一空前此初遇奇旣欣旋復生愁思長菱厚石弗預  
固秋來轉瞬奚當之

廻蹕杭州詣

皇太后行宮問

安卽事有作

廻鑾百里日方中

自杭至海寧程百里然實止八十里而已迎  
清曉策馬隄上時亦乘輿日中卽至省城

送黔黎擁六驄燈市鹽橋臨古郡問

安視膳謁

慈宮西湖佳矣明將到東海艱哉慮不窮捍禦盡心粗擘畫此行

豈可未云空

涼

昨近暖風光東風忽變涼非憐梅朵紫梅不耐寒寒則朵凍焉然變紫恐損菜  
花黃珍重農桑候徘徊調燮方狩巡茲正務詎爲賞芬芳

閱武

時巡江國駐行驂武備于今閱已三敢際定遐忘要政實關計  
久詎常談扈隨况有新烏什同部郡王霍集斯舊爲烏什部長今居之京師扈蹕來此命預觀

統制由來舊耿弇

杭州將軍福祿曾爲西路軍營叅贊事畢命駐杭統旗兵

未御射侯緣臂

病自去秋偶患臂病艱致彎弧馬上猶勉爲步射不能如式命中故遂弗爲可詰戎身先去聲畧懷慚

昭慶寺

寶叔遙瞻塔錢塘近度橋偷閑遊佛境問景憇僧寮辨見還叅  
栢徵心欲剝蕉香花羣祝願

慈慶喜恒昭

遊黃龍洞

遵陸後湖遶湖山名勝連雖無暇應接儘有喜周旋嵌洞教雲  
護披筠得逕穿慧開卓錫處今尚湧清泉

題紫雲洞

纔別黃龍到紫雲春山膚寸正氤氲連岡誰識東西洞求氣全  
詮九五文似此宜居易博士如何都屬佛聲聞今將復古誠難  
矣且自因民意所欣

過棲霞嶺

蔚若烘曦賴且浮峯高自合有霞留由來名象公天下何必拘墟說潤州

岳武穆祠

黃龍直抵氣崢嶸燕以南金令不行正可乘機事恢復誰知虛力費經營愛錢切中文官病怕死會輕武士生萬里長城空自壞至今冢樹恨難平

題竹素園

面水背山地涵今茹古園娛情惟翰墨撲鼻有蘭蓀會景皆詮理沿波欲討源白蘇胥未識詩句向誰論

詣聖因寺瞻禮

皇祖神御殿

巡狩曾茲

聖蹟留至今黎獻憶

恩稠由來樂利天同久豈必衣冠月出遊鑽仰無能窺

卓立繼繩有志勵艱投髫年

愛育親承訓瞥眼驚心四十秋

恭奉

皇太后至聖因寺行宮駐蹕

一巡五載溯姚虞聖水高峯駕重去聲紆山色依然緬

祖蹟湖光耐可奉

慈娛鳥聲宛轉調絲管塔影玲瓏入畫圖無暇漫嫌勞應接此間吟興足軒吾

雨 三月初五日

開舟以後久逢晴澤國翻紫望雨情駐蹕孤山霏霖霖漪瀾湖水越澄泓菜花含潤黃如濯柳葉拖烟綠尚輕明日淨慈虔祝嘏一天霽景益分明

題放鶴亭

君復當年真逸哉江淮遊懶獨歸來何訪鶴子聊無母且喜梅妻不藉媒張氏西山有津逮

徐州雲龍山亦有放鶴亭以山人張天驥得名

盧家雲壁



豈重儻至今亭畔胎仙縱想見先生返棹廻

孤山看梅

看梅鄧尉猶艱致望絕孤山幾樹春却爲天寒藏蓓蕾勾留仙  
卉待遊巡于今是矣渾疑幻或異斯焉那有真祇慮墓門處士  
笑對山不是看花人

戲題巢居閣

處士橋頭放鶴林巢居有閣倚山陰晦明風雨如來顧應悔入  
山猶不深

題林逋蘇軾詩帖疊舊作韻

先生昔隱孤山曲結廬愛就深林綠廿年足不及城市歎唾皆

成珠與玉晦迹不欲名一時况後世乎識超俗幸哉五首留世  
間片羽吉光霄漢燭東坡見詩如見翁五字長言猶不足三百  
餘篇雖在世知音誰辨絲與肉今去坡又七百載兩賢高躅誠  
宜錄西湖上讀西湖詩橫琴似奏水仙曲謾說吳人不好事東見  
坡詩祠堂有梅復有竹和詩還擬問髯仙誰競春蘭笑秋菊末  
亦反東  
坡詩意

### 吟香別業作

孤山東側聖湖邊范撫勾留慕樂天

別業舊名勾留處蓋前撫  
范承謨取樂天詩意也地

方大吏易今名丁丑  
春巡至此曾有詩

別業荒頽餘舊跡吟香葺築記前編心田

淨洗全如水鼻觀清芬詎必蓮設以卉中擬君子吾方渴意在

求賢

曉晴泛舟西湖作

信矣西湖聖且明  
宜烟宜雨又宜晴  
無邊霽景如如照  
有喜春  
光面面迎旭影  
每依黃繖直漪瀾  
不動綵舟輕  
欲停歌吹圖清  
會慮拂羣黎愛戴情

淨慈寺瞻禮

鹿苑延

鰲萃縉紳

浙中紳士于此建聖母壽

和風祥旭藹光春共欣

天意同人意預祝

八旬繼七旬耆窟鳥吟都送喜  
香林花色總離塵慈無不被敦

慈慶淨以爲貞

壽淨因

小有天園

南屏峯下聖湖隈小有天園清蹕來了識曰門及日徑依然爲  
榭復爲臺山多古意鳥忘去水有清音魚喜陪昔寫斜枝紅杏  
在恰同庭樹一時開

初遊龍井誌懷三十韻

瀕湖佳景多不可俛指數巖泉各擅長大畧吾能舉南山有龍  
井向聞曾未覩弗肯命騎遊恐費經營苦今來却重飾旣成說  
無補罷去太矯情新晴景更嫵是用一涉藩以答衆誠剖花港

逶迤西跋馬數里許漸入烟霏深南北諸峯語石泉淙其寒千  
盤曲抱嶼蒙龍新篠低似掃塵客武乃至過溪亭下馬相與步  
叶 集業羅秀石間硿疊奇楚參差列亭臺無非攬勝所最勝則  
以泉深潭靈物處祈雨每致應利濟功尤鉅瀉爲百丈瀑對之  
久延佇善空一切聲角微安能諸神運石或幻沼滌心應與神  
石滌心沼爲龍井八景中之二玲瓏竅簇攢錦繡卉纂組春深鳥妙歌雨後花  
新舞蘿烟濕我衣蘭氣馨于炷攀躋越踴躍高下迭賓主造巔  
益愜懷暢觀極仰俯江湖辨近遙窪稜窮幽阻名山所歷屢觀  
止鮮或旅得句乃命駕遂至日卓午遐思秦蘇輩辨才此晤聚  
人地乃相宜萬乘來奚取作詩誌吾慚卷阿漫擬古

龍井八詠

過溪亭

行雲流水視遷留  
奚問虎溪過與不  
一笑詩吟杜子美  
墨名儒行足風流

滌心沼

辨才歸老開精舍  
沼水曾臨蘇與秦  
却是清波無芥惹  
滌乎抑否聽伊人

一片雲

片石玲瓏號片雲  
英英常自蔚氤氲  
龍泓本有顛翁碣  
磬折宜應于此君

風篁嶺

靈石峯西翠嶺岑蒼簣萬箇受風森世間宮徵安能譜此是雲  
山韶護音

方圓菴

方圓菴是辨才蹟葺築曾經聞啟祥今日重看新舊址有爲一  
切幻誰常

龍泓澗

風篁嶺上龍泓澗噴沫成池貯碧流飛作瀑泉靈作雨攻祈那  
待法師投

神運石

移來不藉五丁穿峭蒌亭亭一朵蓮聞說鐵牌同出并依稀辨得赤烏年

翠峯閣

平陵小閣切青霄縱目因之意與遙頗怪吳人費疏剔翠峯今古祇高標

題陸治山水卽用其韻

長林叅漢瀑垂空傲世高人氣若虹何必田何詮易理又占肥遯不言中

上天竺

天竺天一方震旦茲亦有聞之一切法事必遇其偶崎嶇入蔥



舊步步離塵垢臺傳康樂翻石識李源友大士昔示相聊藉仁  
謙手靈威無不應香市傾城走恆處菩提座此理人知否文通  
教易禪適足啟笑口

靈隱寺用宋之問韻卽倣其體

飛來轟翠巖屏障已清寥月地開如鏡雲瑤沸似潮栢烟林外  
寫花雨座中飄泉冷石爲瘦峯高樹與遙考功昔遊歷此處感  
榮凋五字殊難屬一聯渾解藉江南曾有贈當面昧津橋紀事  
問遊靈隱夜月極明行吟曰鷺嶺巒岵堯龍宮鎮寂寥久不能  
續有老僧問之問以典思不屬對卽曰何不云樓觀滄海日  
門對浙江潮之問訝其道麗遙明更訪之不復見寺僧有知者  
曰此駱賓王也然駱自有在江南贈宋五之問之詩不應當面  
不識且並無一語傳奇  
之家不足爲據類此

清漣寺觀魚再疊舊韻

源發西山脚伏流廿里餘  
春朝駐罕蓋僧寺靜鐘魚知有池  
呈鏡堪臨檻振裾翠鱗來得得  
樂意自如如誰謂清波畫偏宜  
藻句書效蘇頻疊韻曾幾似髯歟

王蒙山水

祇疑霽潤欲霑裳  
雲意猶濃樹色涼  
活脫右丞詩裏畫  
空林積雨輞川莊

雨中湖心亭雜詠六首

一日晴和暢遊興  
中宵陰雨利農功  
曉來烟意猶餘戀  
妙萃湖心勢正濛

面面溟濛淅淅淅烟中遙見白沙隄由來泛雨舟真好休馬今  
朝妨作泥

湖面鳴榔到以船湖心樓榭亦船然大圓普照光明鏡萬頃漪  
瀾上下天

南峯雲接北峯雲外湖水漲內湖水斯亭斯景亦其常而我此  
時欣遇此

梅白棹紅濯影鮮分明湖面擁青蓮今朝到最無塵處結習何  
妨槩與湔

澤國稀逢春雨稀優霑欣復灑霏霏因之迴憶三千里一例農  
時願不違

題漪園

觀水聞有術名園定在茲門臨且牆繞月漾更風漪花木倒涵  
鏡亭臺閒中去聲詩會心別有在與物共春怡

題丁家山

輕輿破雨上蘭椒頑石何人擬綠蕉

是處又名蕉石鳴琴爲西湖新增十八景之一

盡心空原一合底須橫膝七弦調

賦得春雨如膏

得逢字八韻  
試浙江士子題

江國虞頻致今番喜恰逢暄晴宜一豫膏雨利三農輕重權之  
久肝宵厓以重氣蒸十折水雲接兩高峯霰霰初猶細霏霏繼  
遂濃菜花黃沃濯柳葉綠翠鬆周雅曾方惠韓詩善寫容廵方

歌玉燭撫已慎金銘

再題西湖行宮八景

四照亭

孤山高處一亭幽

芝篆雲簷四字留

亭中雲峯四照額  
皇祖御筆也

峯色湖光皆道趣

聖人此意照千秋

竹涼處

低籠曲逕斜依檻  
颯爾生寒逸若空  
安得朱明此散步  
披襟無礙度來風

綠雲逕

喬樹蒼蔥鎖碧峒偶然屣步迴無塵山陰便是林家宅却恐先生笑不倫

瞰碧樓

一碧天光萬頃澄岳陽樓記近堪徵若無後樂先憂志文正佳文亦底稱

貯月泉

石罅淙泉匯小池玉輪初上貯來宜居然似與平湖傲日以山高先得之

驚香庭

玉華桂樹皆盆植

香山玉華山盆桂最多

庭樹春時葉尚纖金粟如來高

丈六可容當面悟香嚴

領要閣

天容湖影淨無痕領要何能頓忘

去聲

言竹閣栢堂皆左近呼之

欲出白蘇存

玉蘭堂

盡得湖山秀氣陶春風別館適相遭王家詩與文家畫未及雙  
株不語高

題留餘山居

湖上有山居居然畫不如飛泉當面落詭石礙肱舒樹色春昌  
矣波光遠漾諸留餘題額遊興亦慵子

雨中留餘山居卽景雜詠

艤舟綠湖邊，跋馬青山裏。今日善藏峯，到來訝尺咫。

萬卉鬪芳華，春光日日加。所欣別有在，萊雨膏

去聲

黃花。

逕穿玲瓏石，簷挂崢嶸泉。小許亦自佳，昨來龍井邊。

霧露掩湖光，憑欄眇渺茫。留餘解說偈，善現不如藏。

箇中合神會，不可以言傳。卅字意無盡，惟應李謫仙。

法雲寺

處處有流水，面面多奇峯。乃入龍井路，妙想真難窮。調御一朵拈，隨宜現花宮。顧弗事莊校，示諸萬有空。是謂法雲旨，初非恒所逢。



湖州府志  
卷之  
雨中再遊龍井

湖山第一佳信可繫人意江國雨何妨待晴殊艱致留餘愁塗  
便因復策遊騎熟路越覺近忽到悅心地泉石最奇特妙想天  
開異步步每改觀望望皆精義三幡藉可悟百昌渾餘事烟絲  
卒未收潤意含清秘乘暇圖再經暢覽千峯霽

龍井上作

深潭噴靈液湫澱更溶漾此與元氣通雨中自宜壯心神既澄  
濾耳目殊供養瀉爲垂巖瀑原從足底放巖下適仰觀計以數  
百丈乃悟地處高其卑難爲望絜矩有所思惕若萬民上

再依

皇祖靈隱寺詩韻

飛來峯畔路法相坐嵯峨宛識祇園近已聞梵唄多竺雲開月  
宇仙籟下烟蘿到處瞻

光被羹牆豈是過

韜光菴

言遊淨室別雲林曲曲山蹊步步深輪尺筠竿紫粉墜垂尋泉  
脈玉絲斟不因初狹歷層磴那得中宏暢遠襟耽靜未宜歸勅  
政安能箇裏學安心

金蓮池

韜光寺裏一泓水奇蹟應同卓錫泉此日偶然臨碧鏡當年見

說育金蓮常涵古往今來月不異雲容山色天七字促成旋命  
駕清新却愧白家篇

雨中至虎跑寺二首

佳處由來戒戀留偷閒聊復雨中遊虎跑泉上虎跑寺法喜烟

容卒未收

范典以雨雪皆爲  
天龍喜悅護法也

一逕濃青入霄漢萬峯濕翠接溟濛趙州法語明重舉外空內  
空內外空

題虎跑泉

大慈寺側虎跑泉性空昔日此棲禪以無水將他之矣忽有神  
人來告旃南岳童子遣二虎旋來移請無憂焉翌日乳竇淙有

泌異常甘冽清且寒不見不聞無窮已伎倆有盡語不刊縷汲  
聊償問景興還訝其然豈其然

### 開化寺

六和寶塔巖巖古寺成傳開寶朝隔岸越山拖畫幰列屏吳  
嶺入雲標已教息慮棲禪悅但未忘言答景撩頗訝考功誤靈  
隱試看門對浙江潮

門對浙江潮之間靈隱寺詩也然南屏萬松諸嶺隔之輒光居山椒尚可遠見靈隱

在谷安得對潮意謂宜移于此

### 瞻禮六和塔作

寶塔岩巖聳七層恐妨泥汗不須登鎮江歷劫安瀾慶凌漢單  
提向上乘立久波光如欲徹望來烟意亦將澄漫言造極今孤

約興已軒飛絕頂憑

雲棲寺疊舊韻一律

諸峯遙看簇蓮青路轉叢篁得野亭知是洗心契儒玩饒他念佛著僧聽從新春景粉圖展依舊山齋翠蹕停真蹟香光聊遣暇

寺中弄藏董其昌所書金剛經過此披閱片三度矣

底論前後韻和靈

坐雲棲寺靜室復得四絕句

逕入簷簷心洗塵春山過雨霽光新浙中僧院斯爲最不事裝嚴事樸淳

靜室三間對碧峻花香鳥語處

去心徵楞嚴七處徵心

雨暘時喜宜萊

麥笑我斯之靜未能

一念念六字真言衣鉢何曾傳子孫  
監院歲除依例換蓮池家  
法喜猶存

金剛真蹟弄香光  
索看重題逸興償  
四句本來無一字更何須  
辨幻和常

理安寺

見說安心竟何來  
理與安山如標靜  
諦鳥亦發清歡  
蓋影張祇  
樹經聲出戒壇  
了當忘結習  
歸去漫廻看

水樂洞口號

何聲不中宮商相遭  
泉石其常字內似此多矣  
重儻奚獨東陽  
湖心亭

聳似雲居浮似航蓬萊宮闕水中央東西南北望無盡春夏秋  
冬景異常是鏡何曾藉指拭非蟾而覺發輝光擬教莊叟斯焉  
對得意于言可易忘

表忠觀

歷世戴京洛承家保土疆伐唐曾助旅納越遂來王試看尸還  
社不離梓與桑千秋爲民意博得號錢塘

觀錢鏐鐵券作歌

表忠觀永祀錢塘鐵券却在台州藏久聞其名未覩物秋卿同  
族今呈將向曾問及刑部尚書銜錢陳羣云在台州今其族姪  
鏐選自台州携來陳羣卽以呈覽作歌仍還之俾爲  
寶鏐鐵如瓦勒金字乾寧歲月猶存唐皇帝若曰咨爾鏐董昌

僭僞爲昏狂披攘凶渠定江表稜清羸泰保餘杭用錫金版永  
延祚克保富貴榮寵長恕卿九死子三死承我信誓欽毋忘

入語藥括  
券中語

徒觀剝蝕字漫漶鐵猶如此人何方龍門致請帶礪

誓趙宋轉眼爲新王俊傑識時有弗較善存桑梓功斯良其時  
鐵券固不出南遷後出方羶薌作歌裝匣付珍弄所嘉謝表揭  
謙光

錫謝表有云君親屬念皆云必恕必容臣子爲  
心豈敢傷慈傷愛詞旨剴切可爲善居功者

敷文書院疊舊作六韻

牖民先迪士籌治在崇文爾尚希前哲吾寧驕大君並非事遊  
衍實欲驗脩勤峯色北軒挹江聲南戶聞取裁堪契要稽度貴  
離紛治事兼經義胡家法出羣



賜浙江學政李因培卽用舊賜原韻

于吳遂遷越總是善文邦以爾能精鑑庶予贊化厯東西浙水  
一南北兩峯雙自得江山助濟宜醇與麗

觀潮樓紀事

跋馬萬松嶺言尋觀潮樓樓祀

江潮神繫吾

禋典修

戊寅歲命浙省守土臣修建神祠于觀潮樓並製文勒碑以紀其事

前兩度臨茲江從

樓下流今番乃漲沙羣咸頌

神庥然吾別有思無非爲民謀迤東利漲沙庶望桑麻稠迤西  
本弗藉石塘羣金甌從古樓臨江濤觀八月秋觀濤固非要况

昨暢吟眸利者乃致敗柴石捍禦籌弗藉者反然泥塗艱行舟  
試看西來薪轉運以車牛觀潮樓下沙未漲時富陽等邑柴船  
連檣東下直抵江岸今取沙既遠率  
用牛車轉運合郡供爨薪弗屬寧免愁謂此爲  
輓致頗艱昭假實益吾懷羞

唐人遊騎圖

珠勒珊瑚鞭控駿驄如茵芳草印蹄雙十旬休暇攜良友何處宜  
遊定曲江

芳郊無物不熙春鳥語生歡花影新挾彈背觀聊立馬待他袞  
袞逐丸人

再遊瑞石洞口號

瑞石由來迥出奇郡城在駕再觀之萬民遂彼瞻依願七字起予瀟灑詩

澄觀齋敬題

皇祖御筆聖因寺中精舍名也

聖因原是

昔離宮尚有

宸章額繡櫳兩字澄觀揭

天趣一時善繼凜淵衷滿湖歌舞聞非樂萬姓飢寒慮不窮  
當日豫遊雖未逮勤民展義

志希同

六一泉

孤山側畔石泓深，泉以人傳可用斟。  
坡老遺蹤尋六一，卽今坡老更誰尋。

栢堂用蘇軾韻

老栢雙撐廣化前，東坡尚見一巋然。  
至今亦復餘名字，太古誰恒駐歲年。  
秋月春風結金友，江聲山色識薪傳。  
微嫌玉局猶饒舌，却向榮枯細論禪。

竹閣用蘇軾韻

自傳蘇公總杳然，湖邊尚說竹籠軒。  
成林未逮晉七士，畫水曾聞蜀兩孫。  
見東坡雪浪石詩徙置不離山下路，長上聲來都護寺前村。  
寄

題何必紆清蹕遵海常懷晏子言

題陸宣公祠

孤山路口平湖上日有宣公祠宇存依舊沙隄供內相每忘金  
券覓行轅可方賈誼聞劉昫早慮懷光執惠元料事酬機如指  
掌先生寧獨託空言

過理安未入

快晴敞人意雲棲重一遊理安取塗近減從休鳴騶排衙古致  
誚泉石趣堪投闌黎跪道左問我枉駕不行雲何以高所貴過  
弗留

再至雲棲題句

我有樂山意雲棲山最幽綠筠饒靜趣白足事清脩  
梵籟簷前落香泉階下流少停便應去課誦可妨不

題西湖十景再疊舊作韻

蘇隄春曉

三度南巡杭復蘇民風吏治並懃吾長隄今日遊  
乘暇與物皆春似此湖

柳浪聞鶯

儘有宮商石與金栗留誰似獨情深戴家只在潤  
州表可識清波門外林

花港觀魚

錦梭不藉天孫擲練影中堆萬簇花設與水仙作春服無邊風月傲清華

曲院風荷

幾箇田田漾細風乍看綠葉想花紅昆明湖上浮輕舫六月春光訝許同

雙峰插雲

春雲幾縷卷還垂南北雙峰一例披湖上吟詩第三度迴思彈指不多時

雷峰夕照

南屏別嶂堵波盡夕照從來得雅名遺蹟漫因歎興廢豈窮三

際十方橫

三潭印月

標意恒沙轉法輪

佛標身塔標意  
經標口見梵典

見身非實是真身無心古鏡

波心印不向拈花悟果因

平湖秋月

隄畔輕車駐碧油春風春月景方柔何須遑待三秋看孟子名

言戒謂流

南屏晚鐘

繡峯南面正開屏淨色兼之發淨聲我聽未能息諸慮宵衣問

政惕深更



斷橋殘雪

豈有瓊葩田尚餘，徒觀麥色信芄如。  
耕夫織女吾胥厪，防誤蠶忙擬返輿。

題郭昇墨竹

瀟落微像枝重露，幾多今昔感題人。

郭昇自識爲會堂首座畫卷後段天祐諸人皆稱淨

慈寺中分台今昔之感

淨慈寺裏重

平聲

開卷惟見疎篁照眼新

清明

清明最是好時節，更是難逢湖上并。  
今日無風復無雨，一年宜織又宜耕。  
萬花谷積錦繡色，百鳥林翻韶醵聲。  
佳景與民堪共樂，底須蠟燭散春城。

再遊小有天園

不入最深處安知小有天  
船從聖湖泊逕自祕林穿  
萬卉軒春節是日清明千峯低霽烟  
明當旋翠蹕偷暇重留連

勝閣望湖

勝閣攀登攬全勝一隄桃柳兩湖船  
民情暢我憂中樂物色昌其靜裏妍

再遊龍井卽景雜詠六首

明當清蹕復還吳龍井重教竭攬紆  
似是東坡解留客能無一語別斯乎

振鷺翻飛百尺流聲空塵耳色空眸  
却曾識得根源處一勺龍

湫更上頭

果然霽景萬峯奇偶咏居然符向詩

日前雨中再遊龍井有乘暇圖再經暢覽千峯弄之

句鳥語花香爭節景行雲流水是心期

寒泉怪石行行遇翠竹蒼松面面看只恐辨才有弗肯從今林穴屬爲官

有時鶴叫婆羅梵到處泉淙空腹山寂室閒堂蹟誰辨重看樓閣起其間

宜晴又復喜宜暄絕勝春光大造恩防悞農蠶明返棹名山不必更情敦

坐龍井上烹茶偶成

龍井新茶龍井泉一家風味稱烹煎寸芽生自爛石上

見陸羽茶經

時節焙成穀雨前何必鳳團誇御茗聊因雀舌潤心蓮呼之欲出辨才在笑我依然文字禪

杭州啟蹕廻鑾之作

臨官周視海塘形湖上幾餘數日停已逮農桑三月候漫耽南北兩峯青一遊一豫關民瘼樂水樂山養性靈安福舟中片時暇促成新記識求寧

是日走筆爲閩海塘記示地方大吏

題褚遂良書老子西昇經

不愛文奇愛字奇端莊中復具流離遂良師事逢千者何乃書稱帝譽師

婉暢容夷有是乎師承得力右軍摹了知獨甲襄陽錄何必兼  
思右相圖

和蘇軾過溪橋詩韻

南山幽邃處結庵倚陵邛其上多風篁四時恒似秋庵名曰方  
圓無礙何著留辨如口懸河訥若龍歸湫訥辨兩非真題齋強  
出頭當時過橋笑至今溪水浮却擬問東坡底重較劣優惟餘  
嗑然聲不共逝波流懿彼泉石間我亦曾吟遊然無學佛閒而  
有勤民憂

書和蘇軾過溪橋詩畢復成一首仍用其韻

摹帖無少似仰山還隔邛書詩偶師意望梧頗識秋一如米臨

唐儼于真蹟留

米芾帖有展文皇大令閱不及他書臨寫數本不成信真者在前氣韻儼人之語前段真蹟

之一如童書杜石浦懷深湫貌相非聖教痕乃同釵頭

董其昌書杜詩

自識仿聖教序張照跋尾云貌相之無絲毫似七十老翁豈漫以欺世誠于此項穎有眼許與共學書是言洵得摹帖神解後段書和韻

天錡揭其義眼巨言不浮而我此何爲曉辨劣與優

蹟藏作者三

蘇詩及米芾董其昌真蹟並藏內府茲臨坡書長卷付龍井弄藏以當紀遊

亦共雲烟

流徒因付名山聊記曾一遊終非所當勤當勤如舜憂

### 陸治雪窗見易圖

兩峯高並玉崔嵬窗下韋編破冷開借問天心何處見一枝春

### 報塢旁梅

觀通鑑輯覽至緒遂良貶潭州事嘉其忠惻輒效其體擬

作

元舅與功臣由來不可誅草茅承顧託寧當惜殘軀忍視夷姜  
汚曲從政君誣國是太宗創臣忝召夷徒叩首願還笏忤旨罪  
奚逋潭州被薄譴敢曰非其辜廻首望金門無言以嗟吁